

INFO davart elecziuns 2023

Radunanza da nominaziun dals 13 d'avrigl 2023

La PLD metta l'accent sin ils mandataris vertents e sin novas fatschas

La Partida liberaldemocratica dal Grischun tira cun trais glistas en il cumbat electoral per il Cussegl naziunal resp. per il Cussegl dals chantuns. Manadas vegnan quellas da la mandataria d'enfin ussa, cussegliera naziunala Anna Giacometti, sco er dal cusseglier dals chantuns da fin qua, Martin Schmid. Quai ha concludì la radunanza da nominaziun da gievgia, ils 13 d'avrigl 2023 a Panaduz.


La finamira da la partida saja da tegnair il sez en il cussegl naziunal e quel en il cussegl dals chantuns «or d'atgna forza e da far part da las victuras e dals victurs da las elecziuns la dumengia d'elecziuns», ha ditg il manader dal cumbat electoral e deputà Christof Kuoni. Avant las participantas ed ils participants da la radunanza da nominaziun ha Kuoni empermess a medem temp «in dir cumbat per ils tschintg sezs grischuns en il parlament federal». «Per survegnir in mandat cumplain dovri fitg bleras vuschs», ha el declerà en vista ad in'analisa electorala entaifer la partida. Quai possia mo vegnir cuntanschì cun candidatas e candidats «che disponian dal potenzial d'electuras e d'electurs necessari».

Sco topcandidata resp. topcandidat ha la radunanza perquai nominà la cussegliera naziunala Anna Giacometti (62) ed il cusseglier dals chantuns da 54 onns Martin Schmid. L'anteriura presidenta communal da Bregaglia sesa dapi l'onn 2019 en la chombra gronda, e l'advocat da Cuira represchenta il chantun Grischun dapi 12 onns en il «Stöckli». Cun Giacometti e Schmid possia la PLD entrar cun forzas cumprovadas, ha Kuoni declerà vinavant.

La glista 1 dals liberals vegn manada sin las plazzas 1 e 2 dad Anna Giacometti. «Cun la cumulaziun dad Anna Giacometti sin la glista vulain nus dar in cler signal per la candidatura dad Anna. Quai è er in signal per l'italianità e per las dunnas», ha punctuà il president chantunal Bruno Claus avant la radunanza. En vista a las elecziuns ha el medemamain discurrì dad ina «gronda sfida per la partida». Sch'i vegnia a dar l'atun ina colliaziun da glistas burgaisa per segirar il mandat dal cusseglier naziunal liberaldemocratic, ha il president da la partida dentant laschà intant avert

Per sustegnair la candidatura da Giacomettis e per gudagnar vuschs supplementaras funghescha l'anteriur cusseglier guvernativ e schef da finanzas Christian Rathgeb (53) sin plaz 3. Gist davostiers sa metta Susanne Lebrument (51) en elecziun. Ella è delegada dal cussegl d'administraziun e conpossessura da la chasa da medias grischuna Samedia. Cumplettada vegn l'emprima glista dal manader dal cumbat electoral Christof Kuoni da Maiavilla. L'um da 43 onns è deputà en il cussegl grond e vicepresident da la citad da Maiavilla. Da professiun principal s'occupa el a Cuira sco manader da la filiala resp. sco revisur d'economia tar l'interpresa fiduziara BDO SA.

Er la glista 2 per las elecziuns dal Cussegl naziunal sa lascha vesair pli che mo: ella spetga cun personalitads da differentas branschas. Manada vegn ella dal medi da Cuira Roger von Moos che ha 58 onns. Il medi spezialisà per oncologia e professer titular da l'Universitad da Turitg lavura en l'Ospital chantunal grischun ed è directur medicinal dal Center da tumors e da perscrutaziun. Sin la glista electorala 2 dal Cussegl naziunal sa chatta la Grischuna Flavia Aebli (24). Ella è studenta e presidenta designada da la Partida



liberaldemocrata da las dunnas e sesenta a Seewis. Plinavant stat il num da l'Engiadinais Jon Fanzun (53) che abitescha a Berna sin la glista. El è en uffizi principal sco secretari general da la partida liberaldemocrata da la Svizra. Ad el suondan sin la glista il deputà ed inschigner da construcziun da San Murezzan, Markus Berweger (55) sco era il deputà d'Avras, interprendider e pur Bruno Loi (61).

Sustegnidas vegnan effectivamain las glistas 1 e 2 dals giuvens liberals. E sur da quai sa legra il manader dal cumbat electoral Kuoni tut spezialmain; «Nus essan fitg engraziaivels per la glista frais-cha ed il grond engaschament dals giuvens», ha el ditg. A las elecziuns dal cussegl naziunal entran en la Lia Hutter, Alexandra Leake, Luca Mutti, Alessia Wehrli e Mattéo Frison.

Nominaziuns:

cussagl da chantuns

Martin Schmid (vertent)

Cussegl naziunal: Glista 1

plazza da glista	candidata / candidat
1	Anna Giacometti (vertenta)
2	Anna Giacometti (vertenta)
3	Christian Rathgeb
4	Susanne Lebrument
5	Christof Kuoni

Cussegl naziunal: Glista 2

plazza da glista	candidata / candidat
1	Roger von Moos
2	Flavia Aebli
3	Jon Fanzun
4	Markus Berweger
5	Bruno Loi

Cussegl naziunal: Glista dals giuvens liberals

plazza da glista	candidata / candidat
1	Lia Hutter, Flims
2	Alexandra Leake, Küblis
3	Luca Mutti, Scharans
4	Alessia Wehrli, Flims
5	Mattéo Frison, Chur